




停 675.37  
787.1


Kodak Color Control Patches



眉公存卷字清  
函 1 册 书号 20634

眉公先生全集序

余不佞承乏雲間十四年頗與其士民相習解  
 郡之日黃白扶携雪涕相送獨恨不見吾眉公  
 先生孥舟賦詩握手叙別耳蓋余離郡在辛巳  
 之冬而先生已於己卯之秋先為道山之游凡  
 余謠詠始末一切不入其耳即旱蝗饑孳奢汰  
 之俗倏化為衰颯之象亦一切不入其目凡先  
 生去來生死皆在吉雲善氣之中誰謂少微隱  
 現不繫全吳福德也人見先生松形霍貌終日  
 逍遙於青山白石間謂其從神仙中來又見其



口津筆符孜孜惠濟自度人謂其為廣大教化  
主而不知先生持身畏慎滌濯影衾動中采齊  
語成文象戰戰慄慄至啓手足而弥切凜冰則  
固儼然濂維家法也獨先生不立壇坫不樹生  
徒既不樂有講學之名尤最恨開談兵之口終  
其身脚着實地動與天游至於九詔三薇干旄  
纁璧皆其所深厭而不聞者也先生早年詩  
文如波斯寶船寸寸瑤異蓬壺花草葉奇鮮晚  
歲酷加烹鍊一字一句改竄殆盡中夜燃膏嘗  
從枕上定稿老而好學手不停披其於禽遁星

緯邊屯鼓鑄五厨三略霞笈梵籤無一不淹通  
無一不撮薈而秘諸胸筭揆之筆采咳唾亦玉  
擺指雲烟內而紫禁丹宮外而雞林百濟得其  
片紙隻字如獲百朋而先生蕭然日與野僧高  
士穿花洗竹自尋茅擔曝背之樂即仰面看屋  
梁亦非其意所屑也先生聰悟遐舉極似陳希  
夷然周顥德中既以黃白術誤被召問及宋太  
平興國中又兩次入朝何其僕僕道塗也先生  
少時見賞於嚴蓬頭晚年尤結契於彭友朔但  
存精內固其於脩養玄默之道固閑吻不言也

即化形於石室何必以遺表自白哉余則謂先生探願索隱極似卻康節其學益老其德益邵不但玩心高明以觀天地之運化察陰陽之消長獨其不事表暴不設防吟羣居燕笑終日不為甚異人無貴賤少長一接以誠清而不激和而不流則先生居然其後身也蓋希夷以劔俠潛踪終露飛揚之色而康節從性命致討坎全無圭角之形凡兩人之軒輊非即先生之位置乎康節遺書如皇極經世觀物內外篇漁樵問答詩伊以擊壤集而希夷所著亦有高陽集三

峰寓言及釣潭詩六百餘首今日先生集足以包舉而掩映之格調氣象有登泰岱而巨紅徠之意非深知先生詩文之妙者不敢為斯語也先生子壽仰淵懿孝友有如范粲之侍親孫天奐飛藻騰英復如宗測之繹祖力沿家學鉅梓遺編從前坊刻膺奉俱可無溷此余解郡後所樂聞者也謹為叙次胸中所見以附高山之仰併以告世之尚友前喆者不如近讀先生書誦先生詩尤為切近而精寶耳

襄西方岳貢謹題

門人李衍謹書

眉公府君年譜

世宗肅皇帝嘉靖三十七年戊午

府君生于是年十一月甲子初七日庚辰丙戌時 大父濂石公時年三十有九

三十八年巳未

三十九年庚申

府君三歲八月初十日先妣衛孺人生宣城伯齋也

四十年辛酉

府君四歲知字學

四十一年壬戌

府君五歲大父膝上授書輒成誦二月十三日先叔諱縉儒生字叔真府庠生

四十二年癸亥

府君六歲甫命名 字仲醇入小學就傳 錢公曾大父怡松公絕憐愛之往返必肩負 以行府君即不好兒美師亟稱曰此汗血駒 也當非凡品

四十三年甲子

四十四年乙丑

四十五年丙寅

府君九歲就傳周雲汀周長州人鰥寡慧燈 庵之南足蹠為里塾師頗好吟咏雜蒔花竹 籬豆夏月露坐孤吟其下府君晚必往侍相 與茗茗問難竊意詩詞私號曰半石山人三 十年後得周少谷贈雲汀一畫裝演成軸懸 之中堂設祭而酌之

穆宗莊皇帝改元隆慶元年丁卯

府君十歲毛詩書義皆通達

二年戊辰

府君十一歲負笈先伯翼龍公讀書于五里塘之內舍先伯本姓紹大父艱子受友紹氏托遂螟蛉焉取名紹儒不忘本也補華亭增生府君執友于之愛終身不渝歿葬祖塋之側

三年己巳

四年庚午

府君十三歲習舉子藝

五年辛未

府君十四歲旁及五經子史慕戰國策不得

誤從總戎家借之後手摘一冊以藏

六年壬申

府君十五歲外祖怡竹衛公世居與先壠相望晨出暮歸必聞讀書聲不輟心嘉之即遣先舅同事是冬先妣內璧焉

神宗顯皇帝改元萬曆元年癸酉

府君十六歲翼龍辭大父曰大弟今日非我所能御也其天姿英敏才情橫發吾且當拜下風敢冒師耶幸擇名師無負重委故遣入城北面繩武何先生



二年甲戌

府君十七歲博綜六籍百家晚必挑燈手一編不雜號蠹竭不就寢十月病寒疾瘧幾不起有神醫王企雲診之驚詫曰此兒豈可漫視不獨吾松一寶乃天下之至寶也每喜食新為濕熱所蒸我治立瘳頃歸以冬米肥鴨人參見貽大父疑其誤遣訊之曰我為天下惜此寶豈於而父索謝耶

三年乙亥

四年丙子

五年丁丑

府君二十歲行冠禮

六年戊寅

府君二十一歲就童子試華亭邑侯楊公奇賞之取冠曹耦徐文貞與大父交聞之亟欲延見時府君以青衣小帽往文貞偵知閣者立索蟒衣出迎因講時習之學嘆服不置先達之不輕後學如此是冬嚴寒文宗駐節宜興水堅不得前府君自毘陸徒步而起又奉江陵新令大縣不過二十人名在第七

七年己卯

府君二十二歲先妣于歸而當嫡大母之病考妣日夕藥裹間衣不解目不睫初未知有新婚也未幾謝世執喪一如考亭禮卜葬五里塘之祖塋是年館于范長白家凡得精悉進大父母以贍菽水

八年庚辰

府君二十三歲館於王昇之翼明家一時同社如唐文恪董宮保方學憲何士端每試必互相冠軍

九年辛巳

府君二十四歲館于姚與元龍同硯席率先叔以從

十年壬午

府君二十五歲館于姚八月赴棘闈于南都廿三日夢蓮生

十一年癸未

府君二十六歲館于婁江王文肅家與辰玉太史讀書支硎山多倡和得受知于琅琊太原四先生

十二年甲申

府君二十七歲館于婁科錄見遺後以遺才觀場遂視功名如嚼蠟矣

十三年乙酉

府君二十八歲館于婁

十四年丙戌

府君二十九歲謝去青襟郡侯喻公及諸薦紳再四慰勉不能奪即文宗亦咄嗟為異事具呈有云住世出世喧靜各別祿養色養潛見則同老父年望七旬能甘晚節而某齒將

三十已厭塵勞揣摩一世真如對鏡之空花收拾半生肯作出山之小草既稟命于父母敢言告於師尊嘗笑雞群永拋蝸角讀書談道願附古人

十五年丁亥

府君三十歲嗜長生之術設館委巷一時負笈者皆知名士買乞花場於小崑山班竹千竿草堂數椽乞四方名花以祀二陸府君有一時兄弟真豪士千古蘋蘩但老僧之句王元美先生撰記名賢題咏甚多載郡志歲大

授上書政府請蠲賑

十六年戊子

府君三十一歲歲大饑設館沈氏荒圃即今何園之觀濠堂也有寒生不及饗滄勅老蒼頭菴糜以佐讀書李九疑陳白石自嘉禾來十七年巳丑

府君三十二歲以揚官諭下第歸貧不克延師有感而願訓其子長汝麟次汝豸次汝成皆門下士也顧光祿正心捐十萬以助後府君贊襄籌画居多光祿慨然樂從行府君意

也十月先妣秉家政

十八年庚寅

府君三十三歲館于揚

十九年辛卯

府君三十四歲自謝諸生後澤夫徐公時相慰勞曰吾子早遂初服輕視青紫志誠高矣柰食貧其如堂上甘毳乎慨贈田五十畝為館廩是年遂同事澤夫于文貞公之水西園十月二十日男夢松生二十年壬辰

府君三十五歲與澤夫稱莫逆交澤夫善病  
秋遊岱以孤見托府君課督其長公于室如  
親子弟而于室一生執通家禮甚恭後且與  
次子代高締絲蘿焉

二十一年癸巳

府君三十六歲館于徐

二十二年甲午

府君三十七歲館于徐擬臨場十策有籍以  
獵科第者甚衆七月十八男夢草生蓮產大  
父夢僧画蓮花于地云俟汝孫覺而命名松

產朱大母夢曾大父怡松公抱子來授轉授  
先妣後以命名妙產獨無夢時府君在右  
下得唐六如夢妙圖一卷歸以命名詳王文肅  
卷跋中何事之奇而偶合如此

二十三年乙未

府君三十八歲嘉禾包學憲瑞煥公延迪鴻  
達鶴齡二孫同事者如御冷錢公懷槎沈公  
玄海項公昭自錢公沈白生昆仲後先皆巍  
科上衮極一時之盛比府君衡文無諱諸公  
微得切磋之助時付秘笈於黎棗

二十四年丙申

府君三十九歲二月罹生大母朱孺人之痛  
哀毀骨立幾至滅性大母嫌于嫡故拮据殮  
殮必無憾而後即安五月赴館南湖纂建文  
史待成因屠侍御叔芳題請革除諸公遜其  
署名刻行于世屬羅文崗寫小炤而平泉陸  
文定公手題贊曰冲兮其衷粹兮其容中逃  
名乎山澤早求志于章縫身同霧豹學擅彫  
龍其豪氣如陳元龍德行為陳仲弓君其圖  
之將無同又屬黃葉庵秋潭著宿記其歲月

二十五年丁酉

府君四十歲築讀書臺于小崑山之陰舊傳  
有神虎穴依崗負壁構堂五楹榜曰婉婁艸  
堂蓋取士衡婉婁崑山陰句也董宮保題柱  
云賢者而後樂也衆人何莫遊斯題壁內則  
云人間紛紛臭如帑何不登山讀我書信非  
虛語壁曰藤蘿池曰墨池左通泉脉涓涓品  
曰白駒花陰竹篠地不數武遂為九峯名勝  
隨同宮保請北藏以鎮茲山閱經三載經閣  
巍煥峯泖映帶遊屐相續時有惑于堪輿者

欲毀經閣府君請之當路力為護持實茲山之韋馱也是年乃瘧鬼為魔呻吟杖策大為欠事

二十六年戊戌

府君四十一歲朱大母生壙築于祖塋之末穴府君向不自安訪青島家反覆精討得地天馬山經紀新阡凡左右寸椽尺土不惜厚值更結丙舍敗題覆礎壘壘如蟻穴燕巢蓋欲與大父合窆焉大父堅拒云汝不忘父母我獨非人子而忍忘乎况我築壙時汝未育

也而又奚忍棄之議遂寢大母獨葬壬山丙向之主穴

二十七年己亥

府君四十二歲吏部回伯王公延訊子瑞庭瑞穀于鳳洲之西宅男夢蓮婚娶孟氏禮部郎華里公女孫也選論贈刻於書肆

二十八年庚子

府君四十三歲館于王涇陽顧公及諸名賢招入東林講社府君謝不往

二十九年辛丑

府君四十四歲揚廉夫陸宅之陳惟善皆元  
末人向稱三高士也同葬于天馬之東麓有  
穹碑存府學之崇德堂府君請之郡司馬燕  
公遷立墓道至此同宋旭宋懋觀蓮儒慧解  
二詩衲搵文而祭之曰衆墓壘壘埋山填谷  
先生之宮尚衛樵牧來奠一觴春草空綠異  
代知己慰爾幽獨三月初七長孫增丁生後  
痘殤刻逸民史於新都吳氏

三十年壬寅

府君四十五歲元旦次日大父濂石公盥櫛

後微覺畏寒頃刻愈甚府君曰年躋八十有  
四此壽終也不當以藥石攻惟率子如跪請  
佛號以經紀後事為亟初四辰刻端坐醉翁  
椅而逝府君哀號不欲生斷暈啜粥每上祀  
涕泗沉沉下也權屠中堂之左日訪堪輿再  
卜吉壤秋夏仍館于王吏部家

三十一年癸卯

府君四十六歲館于王男蓮入華庠時有孫  
道人狀朴口納一聲彌陀而外莫知其他凡  
道路橋梁樂為鼎新募建秀野秀南二橋後



發悲願擬築秀州塘謀諸府君府君曰此塘  
為浙直通衢必須聞之鹽使者所轄兩地且  
鹽務力可易辦遂同金壇王太史宇泰轉聞  
左公冢即會同撫按詳批華亭河工銀二千  
兩道人具領五百金內多勒費十不得五僅  
買石列于塘埠其後千五百金不知飽于誰  
人婪腹惜哉刻品外錄于婁江

三十二年甲辰

府君四十七歲館于王是秋得吉壤于沖山  
之西取盧峯發脉也前對天馬後峙細林以

卯山西向立穴而造壙極其精好是役也蓋  
以大父從庶愆於禮合嫡困於時故分葬焉  
且念子姓繁毓叔真貧不贍另塋必如是子  
孫皆可附于兩山之昭穆意甚盛也

三十三年乙巳

府君四十八歲構李項扈虛以秘書省歸籍  
耕經耨史更欲搜討竹簡韋編山纜琢刻而  
縱讀之費贄授滄於九溪橋之別業府君夢  
詔文昌曰宣陳某上來左膝少一骨可補之  
命司祿神旋持一骨二寸許斜插而入夢覺

脉脉若有生動後呂仙亦云曾憶補骨事否  
琴川耿侯新子由祠建絃歌樓延四方理學  
名公開講社府君以疾辭

三十四年丙午

府君四十七歲仍于項有梵儀泖橋澄鑒寺  
僧也秋絜游武林記云梵公遊不出五百里  
今秋與余入西湖望錢塘謁雲栖老人翻天  
竺歸又入餘杭至洞霄宮探栖真大滌二洞  
自託為生平奇遊既返棹又沿谿至嚮山人  
雄石壁巖瀨不勝記是處皆有綠竹丹楓幽

凹之區可結靜室恨無馮海粟倪元鎮輩又  
與中峯結幻住相等因嘆息久之然與殫人  
僧端坐一室數薪較米暮鼓晨鍾梵公所得  
已多不致青山笑人也

三十五年丁未

府君五十歲得新壤于東余二月開土築壽  
域隨告成四月章工部公覲先生割童山四  
畝相贈遂構高齋廣植松杉屋右移古梅百  
株皆名鍾秋大禔隣不聊生府君刷土洗石  
迂迴宛轉搜路于巖阿曲澗中筆資不繼問

諸質庫曰古人因荒興作卽此意也後若徐  
若董園圃相續尙有施公祠亦一時效靈而  
郡邑之禮香祭賽并士女之遊冶者不之諸  
峯而之東余矣

三十六年庚申

府君五十一歲吾松十室九空嗷嗷枵腹將  
有揭竿而起者府君急告當路請蠲不得則  
請賑請賑不得莫若煮糜于是華青兩邑設  
粥局于鄉城鄉紳學博孝秀皆董之府君若  
倡天馬捐資作竈一切所需雜件并脩橋梁

道路顧募執事五十餘人自晨至未日給粥  
百餘鍋水必清泉米必瑩白郡縣時臨看  
有偵探設燕以俟者府君曰此救荒也豈飲  
食求媚耶上官享之必不下嚙郡侯張公邑  
侯聶公以非時至府君但進粥二甌艸蔬四  
碟而已哉若聞之皆嘆以為知體喜有四方  
之好我者米豆之外果餅鹽豉種種樂助比  
之它所更覺饒裕共計四十日竟事麥秋有  
望農作將興于是造冊送縣每名給米二斗  
四方沾恩者遠近十餘里無破冒無濫觴卽

僉大戶何某僅稱備員而已所餘米炭變價  
買腴田若干以贍本畜之役集有煮粥條議  
可案也

三十七 巳酉

府君五十一歲淇園楊公總督南畿學政歲  
科竣一切有關風化例當具疏上聞時訊司  
理毛公方正學子孫何在擬建祠表章不知  
何地可祠正學革除之後子孫諱方冒余雖  
居松而人罕有知之者一時安所置對揚公  
卽郵筒俯問府君條答詳明附請王洪兩學

博可列薦剡否以其効勞于文正忠宣二集  
也又為劣等諸君可邀去後之恩否楊公堅  
無他悉如請祠曰求忠建于宦城書院之舊  
趾子孫給衣巾奉香火余氏得配嚮焉府君  
與董官保俱有記王諱道原得薦擢諤嘉尹  
洪諱雲翼得薦擢於潛尹而全直之劣等諸  
君並收府君一轉念間其造福于斯文不淺  
府君未嘗挂齒頗使一人知之其為隱行類  
如此雖然非楊公聽善樂從何敢望也府君  
亦蒙特疏薦舉下部未覆此亦夢想所未到

子孫惟有感恩銘德而已二月男蓮繼娶金氏鴻臚素庵公女也

三十八年庚戌

府君五十三歲澄鑿寺居泖上衆刹之中如孤臣客邸道人罕到府君自丁未二月泊舟夜訪見老衲古朴淳謹僧雛屏暈酒延師授書因思勝國時楊鐵崖趙松雪曹雲西輩嘗往來泖上今僅見春雲空水耳嘆息而去是歲始留憩焉愴山門傾圮大殿廊廡幾與烏鼠爭席乃首倡乞緣于諸同志竭蹶補苴手

植榆柳扁額題咏為之一新寺僧亦焚脩好學數年之間非復曩時舊觀巍然為諸山之雄矣僧不忘府君金湯建祠以志報府君有重脩泖橋澄鑿寺記

三十九年辛亥

府君五十四歲夏秋至冬半仍留泖橋寺有泖橋祠又有九日食新真有福經年高臥類無情之句男夢松婚娶宋氏憲副遜庵公孫女也是年舍譽堂田舍成

四十年壬子

府君五十五歲築青微亭于高齋之後背負  
崇崗腹買古墓之虬松四株府君曰以代名  
人古畫時懸草亭但恨無飛瀑千尺界之空  
青鈍石間耳天馬細林橫亘如黛尤可供夕  
陽晚眺也

四十一年癸丑

府君五十六歲季春過洞庭之莫釐憩翠峯  
寺退居中以雪竇師遺踪可作寓公時從王  
尚璽遜之請為刪訂文肅公藏稿有花草奏  
草牘草三集若文肅公建儲羽翼之苦心與

條對六曹九大鎮之懇款炳如日星而一生  
之相度相才相業盡于此矣募翁氏請藏經  
建閣以鎮茲山壑界石梁至今往來稱眉公  
橋云

四十二年甲寅

府君五十七歲得高氏故壑僅存小房府君  
去其瓦垣亂磔因樹設門接以短廊中額水  
邊林下房瞰山涇步通林藪聯云漁釣竇中  
樵吟葉上蓋竇境也逶迤而進連施公祠酒  
帘茶竈擊鼓摩肩三春茶笋芬芳雜以兒弄

細瑣數百年空谷一旦頓成市肆而香草谿  
一席地紅綃翠袖嘯歌絃管之聲中宵不絕  
矣

四十三乙卯

府君五十八歲結廛庵于墮驛坡下為兒曹  
讀書之所坡有紫篁翠栢間以脩梧高柳赤  
日可蔽平坡可容數十人壘石高下以便箕  
踞灼暑中府君挈伴相與竹爐藤几納涼聞  
奕其間少遜而北則采藥亭松杉雜沓時有  
山僧野叟草衣筇杖點綴行遊宛然趙伯駒

兄弟高逸圖一幅也故題試茶四言綺陰攢  
蓋靈草試旗竹爐幽討松火怒飛水交以淡  
茗戰而肥綠陰滿路永日忘歸

四十四年丙辰

府君五十九歲男夢草婚娶俞氏茂才元濟  
公女也摹畫東坡帖二十八卷名曰晚香堂  
蘓帖行于世

四十五年丁巳

府君六十歲青浦邑侯徐公舉賓筵大典府  
君苦辭以安愚分有云鄉飲之義本之憲老

乞言因之化民成俗禮經慎重大誥森嚴子弟不當與聞鄉邦聽其惟允周旋庠序萬民環擁目前發覺貪頑全家謫戍口外豈云兒戲有誣王章某也何人謬膺斯舉居恒隱慙如冷暖之曰知平旦幾希恐幽明之非責小則叢沐猴之誚大則促總蛄之年聞之浹背汗流念及使人心怖大抵鄉評失實故鄉飲或至濫觴若使鄉飲又輕卽鄉賢亦同塵飯漸不可長所損實多竊嘗感慨于此寧忍躬自蹈之慎乃厥初請從某始况草茅下賤分

庭之抗禮何安而蒲柳餘生末路之品題未定月旦可畏風化攸關必欲強顏就列自當引分而逃焉敢累臺下藻鑑之明庶幾識人間廉耻之事若冈二天有如皎日

四十六年戊午

府君六十一歲構老是菴後蔕脩竹前植山茶海梁董宮保題右曰南榮偃曝左曰服炁者神明而壽後列厨枕華<sub>扁</sub>以停舟揖卽舍譽堂之耳房也

四十七年巳未



府君六十二歲由舍譽堂結一亭為代笠此山谷老人所書也由亭渡石梁一灣則頑仙廬在焉向為延客之所兩旁支藏書槿墉竹藩東月隙地橫刺半榭叢篁布密日色罕至夏則避暑為名曰東籬亦書學博士米元章所書也

光宗貞皇帝改元泰昌元年庚申

府君六十三歲婁江王慶長膏黃山谷此君軒石本見貽府君向移密篠丹楓于前澣曲池環匝遂營軒五楹以石本礮之右壁凡名

賢見訪輒下榻焉今擬改家祠以祀府君向蒙鄉達及郡邑捐資建祠于山齋已非府君素志不肖力辭不得垂久未克樂成故以此軒肖像其中以為子孫香火之地庶幾不負合郡盛舉而先靈亦妥矣

熹宗哲皇帝元天啟元年辛酉

府君六十四歲夜坐閒寂偶自叙東余始末云余山居有頑仙廬有舍譽堂有過庵有老是庵此在南山之麓也有高齋有清微亭此在山之中央者也有水邊林下有磊砢軒此

在山之西隅者也有此君軒有喜庵道經山  
之上下必取道焉此依山近岸者也山有松  
有杉有梧有栢有樟有梓有莢有李有梅有  
紫薇有叢桂有楓葉有杏有椿有石楠有脩  
竹其下率有之但多西府玉蘭紫藤海榴臘  
梅大柿高柄大紅藕花蘭蕙五色薔薇及草  
花數百種山居有蘓東坡石刻風雨竹二碑  
米元章甘露一品石碑黃山谷此君軒碑朱  
晦翁耕雲釣月碑墨跡有顏魯公朱巨川誥  
倪雲林鴻雁泊舟圖又良嘗草堂圖黃雀山

樵阜齋圖錢舜舉茹菜圖馬遠和靖圖梁風  
子陳希夷圖梅花道人竹籐圖高望山奇峯  
白雲圖范寬釣雪圖趙松雪高逸圖吾明文  
沈以及玄宰不勝記山莊有漢鉤文鼎金鳩  
首檜葉笠楊廉夫鉄冠木上坐松花石陸放  
翁松皮研水虎兒研山及圖書萬卷山友有  
田叟漁丈人旦旦先生阿誰翁方外有達老  
漢雲栖老人秋潭麻衣和尚蓮儒慧解了微  
古冰時來作伴荒山向無兔今有兔矣無畫  
眉今有画眉矣向無客今有客矣遠漸飛源

近漸子真谷口矣東坡云行年五十世間滋味已畧見矣此外除見道人外皆無益也然哉然哉

二年壬戌

府君六十二歲魯齋章公欲擴西南郡城相土度材歷有成筭府君慮設處浩繁又值民窮財絀且城內外之塚墓居房多所未便莫若以金山衛改州改縣較易於城于是作金山衛議章公立府君小傳又特疏薦揚不意傳稿存而疏草佚也

三年癸亥

府君六十六歲居白石山生平無姬貳與先妣莊敬如賓少食貧十九在館不問生人產間一抵家賓至如歸先妣走爨下咄嗟而辦往往樽空壘耻則脫簪珥繼之奉事大父母晨夕上食必欲得其歡心布衣蔬食率先恭儉親以機杼以佐不給是以府君無內顧憂十二月二十四日無諸痛苦側身坦化享年六十有四先三日勅簡遺簪墮履分贈親族子姓以及童僕執喪布素纖悉無遺時云前

有送關文二人宜厚餉之命三日後可來語  
諸娘曰此即世間拘人牌票等耳遂禁絕暈  
穢臨逝自內寢以至中堂滿間沉檀之氣經  
時不敢家衆吃為異事蓮夜夢先妣從石梁  
行從幡幢引導想一生仁德之報不爽五月  
侍御吳甦請求經明行修之士如陳 李光  
縉等徵詣公車庶幾執經問難之風

四年甲子

府君六十七歲孫仙覺生聘許氏中翰元祐  
公孫女也以癸未入郡庠夫府君之愛仙覺

也得之晚年勝于掌珠稍長出入必率以侍  
曰行以代杖間以代爻真有不能頃刻離去  
者出就外傳手冊大學衍義詩譜史約孫武  
諸書日夕面訓之偶見有異書異人異事輒  
命錄夜授為餘課若問對如沅則喜見顏色  
厚賞以鼓其精進向往之氣階不得見其食  
芹誠終身之遺憾也

五年乙丑

府君六十八歲嘗有沙彌請佛法教誦若帚  
二字誦若則失帚誦帚則失若誦至三年忽

然上口遂爾大悟是歲府君于白石山之西  
南隅有曹氏舊趾背園西余左右充拓十餘  
畝濬池創庵故曰茗帚摹盧鴻草堂圖式瓦  
簷茅蓋壁粘土泥廣植名花異卉右辟香積  
使名袖挂拂馬藕花紅白二沼天桃垂柳半  
似武陵風味秋則橘柚離離芙蓉荷旆跨兩  
缸而至或避客了筆墨逋輒往匿焉此山居  
之別一淨業也十月日吉時良先妣與亡室  
孟氏克襄大葬

六年丙寅

府君六十九歲依山結棚藤花古蔓附麗善  
葱自出籬落以迄水邊林下築以長堤羅以  
偉木流泉藪藪其下遊人踏堤盤礴繹絡如  
雲所稱綠陰清晝庶幾近之

七年丁卯

府君七十歲葺來儀堂于鳳皇山是房得之  
楊氏未落成而旋棄之府君壘以湖石繚以  
堅垣庭廣戶敞儘堪容膝府君樂而投老焉  
并工修營半載始克就緒位置草率具體而  
微是冬遠近介觴者紈綺映帶竹肉韻生此

亦鳳皇山未有之事也  
今上改元崇禎元年戊辰

府君七十一歲五月修郡志于東郊郡志自  
文禧顧東江公後迄今二十載其間因革損  
益必當重加釐正以昭來禧凡至郡侯欲興  
此舉而鮮有勝其任者方侯禹脩再三屬之  
府君府君勉諾其請曰但當具稿草以待當  
代名公巨卿若總裁則某奚敢是集諸友于  
東臯別業各受典記垂三歲始成府君自令  
家庖具資釜不費大官供饌筆札雖方侯

有饋貽即分贈諸同事未嘗私一環米粟也  
其繕寫梓工悉俞孝廉彥直董其事詳記并  
覆方侯啟事中

二年己巳

府君七十二歲修志東郊直指王公巡方帖  
文行府有本院按部松江訪有隱士陳者  
學窺二酉文擅百家德行冠雲間人推麟鳳  
著述行海內士仰斗山養親則甘逢掖以躬  
承菽水求志則卧丘壑而結想烟霞此真當  
代羽儀可為國家楨幹者豈容在澗不亟為

推轂為此即便查例將隱士緣繇速速覆酌  
具詳以憑薦舉特聘

三年庚午

府君七十三歲郡志成募修南禪寺山門得  
還舊觀四月光祿寺卿何喬遠奏為荐舉德  
行文章之士仰祈旌錄以光聖治以隆聖化  
事開列同鄉數人有職又推之鄉以外如華  
亭布衣陳職未識其人而久讀其書見其  
博宗典故譜通時務真有用之才而浮之江  
湖此一臣者亦當加以一秩如先朝文徵明

故事者也奉

聖旨士習日漓宜加風勵這所奏薦着該部議  
覆是秋遷高齋於水邊林下之平壤叟曰菜  
香庵季冬丁清惠公以救荒助餉賜官保建  
坊公欲疏辭致仕以從先志衝寒入山商  
之府君時府君在睡鄉夢與陸文定縱論掌  
故聞丁公至肅衣冠以迎丁公耳不聽語多  
筆授府君止其辭爵恐為時輩異同書曰不  
求得福亦宜遠禍丁公憬然曰余昨暮登舟  
夢一白衣翁曰此行當轉禍為福今得先生

教符夢告矣敬如命兩公之神交于夢寐蓋如此

四年辛未

府君七十四歲給事中吳永順薦舉有云伏觀會典洪武元年詔懷才抱德之士所在官司用心詢訪具實申達以憑禮聘累朝詔令亦間及之

英宗天順元年聘吳與弼

憲宗成化十九年授陳獻章為翰林簡討獨神祖用人其難其慎獨不難於來知德瞿九思

豈非太平之榮觀古今之盛際哉今之稿頃巖穴誦讀堯舜者豈日乏人如松江布衣陳淹通今古聞達無干比則廷臣揚廷筠章允儒何喬遠吳姓吳用先等各各開薦非職私言獨不可一貴弓旌以襄盛典乎十月先叔謝賓客府君命蓮拮据後事附葬大父之穆位

五年壬申

府君七十五歲松郡白狼解戶內有點充惠桂二王祿米者一承此役無不破家殞命府



君遠稽會典近察戶部堂批先創條議上之  
郡邑後復力請諸臺曰江廣之米甚賤而反  
以三吳貴米遠輸江廣順流而下三吳逆溯  
而上北運有部院光祿成規王府則羣璫橫  
梗勒索其害不能殫述况吾松有次白而無  
上白則二王玉粒之供不在是莫如折價解  
之彼處布按移文二府庶解戶無交納之苦  
有身家之倖矣賴當路俯從具疏得請而吾  
松祿米之煩得以解懸可垂永世之利也

六年癸酉

府君七十六歲四月工部侍郎沈演安攘疏  
內偶舉府君得陳所見以備

進呈採擇本月十二日奉

聖旨建堡屯鹽等事前已有旨選着設法飭行  
據奏時事多艱臣子宜專心幹濟說得是朕  
惟以言事課功如有挾私偏執妨廢職業的  
必罪不宥所舉陳果否學識可備採擇該  
部併議具奏欽此欽遵抄出到部送司除建  
堡屯鹽等事聽該部具覆外所有薦舉陳  
一節係隸本部職掌相應摘覆案呈到部看

得陳 江南名士也識通今古學富經綸益  
有用處士不徒以筆墨文章妙天下者但其  
人抗節烟霞忘情軒冕榮心任進非其志也  
誠令其一吐胸中之奇規畫當世之務計其  
所言必有堪備借著者也工臣孜孜於隱士諒  
自有真見謹覆議具奏合無敕下臣部行該  
撫按令吐其奇代塵

睿覽恭聽

聖裁或亦

聖世博採嘉言之一助也

聖明裁奪施行崇禎五年四月吏部尚書閔等

具題奉

聖旨陳某果有嘉謨謹論足極時艱着自條奏  
送該撫按進

覽欽此欽遵為此合咨巡撫應天僉都御史莊  
巡按監察御史陳轉行蘓松兵備副使蔣及  
本府方署華亭縣事張立簿摘催某恭奉

聖旨

憲檄不勝惶悚竊惟

聖主乘乾清時開泰而猶勤勤虛心下訪宣之

使言即洪範謀及庶人大雅詢於芻蕘何以過此但某聞之先師云不在其位不謀其政又誦

高皇帝聖諭云一切民間利病許諸人直言無隱惟生員不許大哉

聖訓以垂示士子謹身寡過之樂石也某每見後生秀才輩慷慨而談經綸揣摩而窺時局心竊駭之以此久遁荒山自安樵汲豈有嘉謨讜論足以佐廟謨而濟時艱者乎記曰君子善謀小人善意某一介草茅也師友不多

見聞不確何敢以草茅意安攘大計又云老耄者謀之少者斷之某七十五老農也精力日減疾病日增何敢以老農謀安攘大計人臣之罪莫重於妄言人臣之陋莫甚於無恥若強不知以為知借無用為有用此清議之所難容而亦聖世之所不宥者也懇祈俯憐老病情形達部停寢條陳雖未展耿耿入告之誠庶幾免嘵嘵出位之戒矣

七年甲戌

府君七十七歲章工部贈山四畝向傳有佳

穴府君營高齋幕之後遷山足是年鑿穴石  
頑土淺不能容取他土淹之適一人拾白龜  
以獻府君異之曰龜不產于水而產於山得  
無天以此龜啓我乎遂鋤之初得石卵數百  
後得黃土堅細香潤至丈許乾位見似石非  
石似土非土宛然一門週回石欄中縫一線  
更去土三尺則下若有戶限者府君懼洩氣  
不敢深入止此築生壙一具遠近聞之爭相  
異視七年庚辰府君始窆窆焉至今不封不  
植遵遺命也是年特

旨命在廷諸臣各薦賢才以備採擇而侍御魏  
公士章素不識面而以府君姓氏上  
聞

八年乙亥

府君七十八歲郡侯方公舉鄉飲大賓辭謝  
一如青浦建呂仙祠初呂仙降於族叔華江  
家問云見汝多善行曷不施藥叔云有是念  
無是方仙詔云汝於南城垣當有一賣方者  
汝得之明往見一丐者掘板四片諦視之果  
鑿三十六方叔奇駭鬻之以歸府君喜而構

祠肖像于山中方營建聞空中鶴鳴輒夜旋繞不止祠成乞藥問載者皆奇驗一日府君同友携榼祠中飛錢數百飲酒盃內一錢酒盡盃下一錢以示上口下口之義而辦香瞻禮相與連舟接踵矣八月詞臣黃道周辭職疏內有云雅尚高致博學多聞人皆老成足備顧問則臣不如華亭陳某者

九月丙子

府君七十九歲撰時藝十餘首皆從枕上口授仙覺又與吳長卿問析書義十餘章雖云

訓孫實發千古之秘

十年丁丑

府君八十歲江西巡撫解學龍題為聖世闢門運隆三五懇崇名世耆英兼廓新樞盛典以光鴻化事竊惟虞廷儀鳳登庸式廣明揚渭叟非熊優異宜超凡格哉

皇上詔行保舉俾科目中未盡之人材一一網羅無軼隱鱗伏羽並耀光明自此而守令得賢民無失所致治神謨卓越獨隆千古矣惟是保舉數內有齒崇道重儼然名世耆英未

應概以弓旌嘗例責其赴部就銓者臣得一  
人焉則華亭徵士陳某也身謝名縉神酣學  
海處猷畝而覺先任重莘野風高本經術而  
翼古起衰昌黎功遠文章命世真稱鄒魯之  
于城匡濟填胸不愧巖阿之宰相藉使某而  
少壯也即出其緒餘而為守為令亦何負於  
龔黃卓魯之選耶獨念某老矣方今正躋八  
旬海內尊為人瑞晚香之譽天壤芬流當此  
皤皤黃髮而繫以墨綬委之簿書非其時矣  
臣愚以為為國求先莫先於旃厦之啟沃侍

從之論思如某者合應特詔幣徵以備法宮  
之顧問黼座之諮訊未可以其不就守令之  
辟而遽聽其高尚也竊按正德中江西處士  
吳與弼隱居講學潛德上聞

毅皇帝遣官馳聘乘傳赴京賜見便殿擬授與  
弼以坊諭之秩與弼固辭不就遂陳十事而  
歸熙代芳躅班班具在今某之出處本末學  
問淵源畧同與弼而才膽救時籌精應變致  
君堯舜之嘉謨較有十倍於與弼者仰祈  
皇上允炤與弼事例優某以特隆之禮庶考槃

首彥頓回遯志於清時而招隱明綸終弋高  
賢為公輔保舉睿思於是而益加弘遠矣伏  
冀

皇上勅下所司如果臣言不謬即將華亭徵士  
陳某特旨敦延迥超保舉之格則禁近增  
光而啟事生色所裨於綦隆之治者非淺也  
時當不諱賢立無方竊附以人事君之義不  
覺獻曝愚誠冒昧披瀝統惟

聖明裁擇施行

自春徂夏構古香庭院成日夕娑娑其中十

一月當大耄懿親舊串捧觴上壽者步武神  
清之室是年遂不入城市矣冬立三斯亭于  
生壙之右蓋取歌哭聚族之意云

十一年戊寅

府君八十一歲屏跡東余粹聞流寇披猖中  
丞直指檄有司折毀城濠民房一時震動府  
君懇之方郡侯曰訛言易煽全賴上官彈壓  
鎮靜今若先卸民居未防亂本先示亂形民  
心一動將來不知究竟矣方侯俯從而止至  
今城內外之得以鱗次而安堵者皆府君所

挽回也

十二年己卯

府君八十二歲夜寢頑仙廬日處古香庭院  
往來不數武晚必兜輿以從倦于應酬而子  
墨未能謝絕如陳鹿茸碑記許繩齋志銘乃  
絕筆也是年無大恙自覺軀重膚痒起卧不  
時春夏值兒覺中寒幾入鬼錄日從事於醫  
禱而府君之神情亦漸困頓矣九月望後命  
蓮延名衲于菜香庵誦經禮懺至二十日放  
焰口一堂上報親族下薦交知一日而沐浴

者三日飲泉茗勅斷毛血毫不及家事一語  
口喃喃但誦色不異空空不異色至廿三日  
申刻左手結印吉祥逝矣遺訓云啟予足啟  
予手八十年履薄臨深不怨天不尤人百千  
秋鷺飛魚躍又云大歛小歛寸寸拘束古先  
聖賢畏以時服今其時哉萬勿循俗所見歛  
布分送寒族內哭外哭神鬼感惑勿發一聲  
靜如空谷去來堂堂無拘無束請以諸淚彈  
向花木子孝孫賢守此遺囑為善讀書一生  
無辱首七之夕臨附此語內多隱識後署掌



訣部水奎光真人并左手和尚等語府君平生飲食臨逝結三山印悉從左手而晚建神清之室似於二教有宿締云

大抵年譜與國史郡乘同體取數不取文不孝幼不學壯不敏目今頭顱種種矣何能寫府君之萬一哉僅云臚載歲月遙憶記聞而已若樂善不倦出自性成此又在語言文字之外者也府君自少垂老取資于秃管殘煤子弟習悉以奉親不知誰為生活大父所遺無中人產俱遜先叔無染指而且為之贍養

婚嫁存歿如一日中年自小崑天馬細林東余鳳皇拮据凡五峯墓田不及半頃至荒丘瘠壤歲輸動以百計西歸之頃坦無私語藏無餅金自外惟遺編萬卷落落山廬而摧殘已過半矣蓋以賣文之外絕妄漁愧干請文大遊廣時與山水花木作緣隨有隨散一生似動而靜似靜而動客眾厭其溷客去苦其寂每當春秋佳日月夕花晨非捺舸龍潭則曠室郊外一時名姝騷客輻湊而至或匿兼葭蘋蓼間長歌短笛鷗鷺驚翔累日經旬興

不盡不止也索不洗不返也如是而暇為子  
孫計哉雖然嘗懸觀井圖以自勗則臨深履  
薄之念曷嘗斯須去懷也迫除郡邑遠近例  
有寒之餽府君自寡至多分緘袖中值貧窶  
及交知老弱輒量出助之曰某何人斯敢叨  
上官賤俸之賜揣分過福且當代上官種德  
耳居恒無貴賤僧俗凡乞覓緩急未有不  
如意以去不責報不市恩墓隣數十家春夏非  
白粲則木棉以鼓耕作至於助奠掩骼真有  
脫驂麥舟之風冬置藁荐自甲田養濟以及

驛遞囹圄分給惟恐後寒夜途行聞驛夫挽  
舟聲必停橈煮糜以濟饑寒僵仆者故于鍾  
賈山倡建甘露亭賴慧解上人夏施茶冬施  
姜湯黑夜施燈往來行脚有老病不能頓跣  
者三時授冷待其健旺而後遣迄今三十餘  
載靡有間也三族之親生籍衣食死賴喪葬  
者無筭交游中假筆墨作布施授齒頰代津  
符者亦無筭一切橋梁道路浮屠老子之宮  
邀以補苴鼎新者亦無筭與人談非累朝掌  
故即先輩典型或裨官野史中可喜可愕之

事使人聽之疊疊不忍竟若偶有聞聞不詳  
之語則掩耳障面而立叱之惟恐其侈口不  
絕也此皆府君之孺言蠶行遐邇亦有耳而  
目之者其如上關軍國下係衆梓時切杞憂  
之憂真有寢不暇甘食不怡旨不啻身罹倒  
懸而為之痛哭流涕者也集有條議二卷可  
知府君嘔幾斗心血枯幾莖白髮矣四方賢  
文者履滿戶外未嘗冗倦倩斷必欲摹寫神  
情大會欵曲方握管命草草成矣於發潛闡  
幽處未暢厥旨丙夜篝燈幃幙中屢加改竄

肖其為人而後止亦必寓規諷忠厚之意不  
忍以危詞綺語欺塞也交遊幾遍天下奚取  
忽視一人輕發一函浪鼓一棹每以錢塘揚  
子為限耻作山人游客態嘗云王公布衣之  
交僅存一綫于天壤寧使訝其不來毋使厭  
其不去又云躑躅公庭必為雙雀所笑則府  
君磊磊素節梗槩可觀矣嗚呼府君一生經  
濟之肺腸千古豪傑之作用竟至螢乾蠹老  
豈不惜哉豈不痛哉所可幸者恃有遺文百  
卷闡揚忠孝羽翼典謨差吐胸中不了之業

俟四刻成全書則能言立言冥中自有畫一也謹按淚詮次如左

不孝男夢蓮百拜謹述

空青先生墓誌銘

先生姓陳諱繼儒自號空青公不知其里君子姓或云華亭人也先生少好讀書長長於詩歌文辭頃刻萬言晚嗜緇衣黃冠之學悉舖其精華已盡吐去先生二十一補諸生二十八裂其冠投檄郡長一郡之人皆驚郡長勉畱數四不能奪退而結茅小崑山之陽廟祀二陸主乞四方名花廣植堂皇之前曰我貧無以娛二陸先生月採花為先生供蘋蘩名乞花場脩竹白雲焚香晏坐其間豁如也頃之又就沈太僕荒園

棲馬又謝去浪遊人間稱性而出適情而止或問先生曷不著書曰自伏羲一畫之後太極碎而文字滋興我方笑此老為千古後世釀成猖狂筆端吾何褻裳而蹈之哉天生人而與之以十指寧盡令握毛錐子老也曰昌不仕曰仕者如梓匠馬規矩準繩靡不習焉主人勿呼則退而束手與妻孥老于葺屋之下有如思耀技能而身拾一椲一題日刊而月削曰吾工梓匠如是而何不以召我則非狂必愚曰先師昌不談長生曰嘻有長而短者尋續之矣有生而死者

尋續之矣吾師有云唯之與何其去幾何日昌不佞佛曰今瞿曇弟子善言佛者以必為第一義吾徵吾心十年而不得心且不可得而佛將安附曰昌不出而游五湖四嶽曰天下之山水在耳目與足而耳目與足在我無我而耳目足之權去矣目艱於遠討足艱於濟勝而耳又聾聾焉曠曠焉則山水之勝之權益去矣且游而之於川則多風濤蛟龍遊而之於山則多草木虎豹遊而之於平陸則白日而多罔兩蛇虺之屬怒而射笑而舞以戲我我固不敢曰昌不為

儒者曰儒至人之稱也我學人而已何事儒曰  
昌不他居而居於斯曰吾貌癯削而衣田衣而  
冠山冠以遊於縉紳中則笑其太質以入於鹿  
豕中則疑其太文我處於不質不文之間使縉  
紳鹿豕交相迷失而不知吾為若何人氏我以  
此老矣先生如是者八九十年交先生者或言  
先生迂未交先生者或言先生傲深交先生者  
以為先生有大志有大畧狎而交先生者以為  
天下之無文者莫如先生也以為天下之無他  
亦莫如先生也先生生於年月日時卒于年月

日時未歿之前召子孫賓朋曰汝曹逮死而祭  
我不若生前醉我一杯酒於是子孫賓朋雁行  
洗爵而以次第獻先生如俎豆狀先生仰天大  
嚼叱曰何不為哭泣之哀於是左右皆大慟或  
為薤歌以佐觴歌愈悲酒愈進酒愈進歌愈合  
先生喜而起舞簪帽以花萼娑挑達若小兒狀  
必令人人盡醉乃罷歸將瞑之日呼左右而告  
之曰人皆言死而有鬼物有金銀臺召者有笙  
歌幡幢連縲縹從雲端而來迎者吾皆不見若  
見皆幻也言訖鼓掌大笑而逝時堂中有白缸

一道印着飛指青天而去衆莫不奇之銘曰昔先生賜姓以百而獨蒙姓以陳于億萬百千之中而獨號空青而若以自別於人羣故其死也人皆以為空青死其生也人皆以為空青生而其死其生皆人與我橫執而妄爭而孰知燈破而燭之光愈明而孰知鏡破而鑿之神愈清而孰知空青沒而死者不死生者不生如天河之垂象空谷之傳聲天下可得而見且聞終不可得而知其名嗚呼其斯以為先生

國朝人物考名目

明武進薛應旂仲常采輯

第一卷

聖朝帝王考

太祖高皇帝

建文皇帝

成祖文皇帝

仁宗昭皇帝

宣宗昭皇帝

英宗睿皇帝

景皇帝

憲宗純皇帝

孝宗敬皇帝

武宗毅皇帝

世宗肅皇帝

穆宗莊皇帝

萬曆皇帝

慶成王

公主駙馬考

曹國長公主

慶陽公主

高皇帝十六女

臨安公主

寧國公主

安慶公主

汝臨公主

懷慶公主

大名公主

福清公主

壽春公主

南康公主

永嘉公主

汝陽公主

寶慶公主

江都郡主

懿文女

永安郡主

文皇女

永平郡主

安成公主

清河公主

順德公主

宣宗女

常德公主

惠慶公主

英宗女

嘉善公主

淳安公主

崇德公主

廣德公主

隆慶公主

宜興公主

嘉祥公主

固安郡主

景帝女

仁和公主

憲宗女

永康公主

德清公主

善化公主

睿宗女

永福公主

永安公主

成平公主

世宗女

安泰公主

長公主

穆宗女

蓬萊公主

太和公主

開國元勳考

韓國公李善長

魏國公徐達

鄂國公常遇春

曹國公李文忠

宋國公馮勝

衛國公鄧愈



南雄侯趙庸	江陰侯吳良	榮陽侯鄭過春	鞏昌侯郭子興	長興侯耿炳文	淮安侯華雲龍	吉安侯陸仲亨	涼國公藍玉	信國公湯和	袁國公歐普祥
德慶侯廖永忠	靖海侯吳禎	平涼侯費聚	六安侯王志	臨江侯陳德	濟寧侯顧時	江夏侯周德興	延安侯唐勝宗	穎國公傅大德	楚國公廖永安

景川侯曹震	鳳翔侯張龍	安慶侯仇成	東勝侯汪興祖	河南侯陸聚	宣寧侯曹良臣	東平侯韓政	永嘉侯朱亮祖	營陽侯楊璟	南安侯愈通源
宣德侯金朝興	安陸侯吳復	永平侯謝成	西平侯沐英	永城侯薛顯	汝南侯梅思祖	宜春侯黃彬	臨川侯胡美	蕪春侯康鐸	廣德侯華高

忠勤伯汪廣洋	越雋侯俞淵	永寧侯張銓	海西侯納哈	航海侯張赫	東川侯胡海	武英侯郭英	定遠侯王弼	會寧侯張溫	懷遠侯曹興
誠意伯劉基	歷城侯盛庸	西涼侯濮瓚	金寧侯孫恪	舳舻侯朱壽	鶴慶侯張翼	普定侯陳恒	崇山侯李新	雄武侯周武	靖寧侯葉昇

東筦伯何真  
徽光伯桑先

淇國公丘福  
成國公朱能

第二卷

黔國公沐晟  
忠國公石亨

保國公朱永  
成陽侯張武

泰寧侯陳珪  
武安侯鄭亨

保定侯孟善  
同安侯火真

鎮遠侯顧成  
靖安侯王忠

武城侯王聰	永康侯徐忠
隆平侯張信	安平侯李遠
成安侯郭亮	思恩侯房寬
豐城侯李彬	西寧侯采成
清遠侯王友	寧遠侯何福
成山侯王通	寧陽侯陳懋
安遠侯柳升	陽武侯薛祿
安陽侯郭義泰	恭順侯吳克忠
安順侯薛貴	定西侯蔣貴
興安侯徐亨	清平侯吳成

昌平侯楊洪	保定侯梁瑤
太平侯張軌	南和侯方瑛
武平侯陳友	定遠侯石彪
平江侯陳豫	懷寧侯孫鏜
武靖侯趙輔	襄城侯李瑾
威寧侯仇鉞	懷遠侯常玄振
臨淮侯李性	定遠侯鄧繼冲
靈璧侯湯紹宗	興安侯徐祥
武康伯徐理	襄城伯李濬
新昌伯唐雲	新寧伯譚忠

惠安伯金玉	恭順伯吳允誠	建平伯高福	榮昌伯陳賢	遂安伯陳志	武義伯王通	順昌伯王欽	廣恩伯劉才	雲陽伯陳旭	應城伯孫巖
武進伯朱榮	永順伯薛斌	廣寧伯劉榮	永新伯許成	安鄉伯張興	成山伯王瑄	平江伯陳一	忠誠伯茹常	富昌伯房勝	忻城伯趙彝

仁宗皇帝封榮考

永寧伯譚廣	寧遠伯任禮	會川伯趙安	順義伯金順	崇信伯費璫	廣義伯吳管者	保定伯梁銘
靖遠伯王驥	修武伯沈清	定西伯蔣貴	新建伯李玉	會寧伯李英	清天伯吳成	忠勤伯李賢
			順義伯金順	泰化伯滕定		

英宗皇帝兩朝封榮考

平鄉伯陳懷 忠勇伯蔣信  
招遠伯馬亮 定襄伯郭登  
撫寧伯朱謙 懷柔伯施聚  
南寧伯毛福壽 南和伯方洪  
興濟伯楊善 海寧伯董興  
文安伯張輓 豐潤伯曹義  
武功伯徐有貞 高陽伯李文  
宣城伯衛頴 昭武伯曹欽  
東寧伯焦禮 彰武伯楊信  
憲宗皇帝封榮考

靖安伯和勇祖 伏羌伯毛忠  
順義伯羅秉忠 寧晉伯劉聚  
興寧伯李震 威寧伯王越  
昌寧伯趙勝 新建伯王守仁  
當今皇帝封榮考  
寧遠伯李成梁  
文臣拔尤考  
弘文館學士宋濂 御史中丞章溢  
翰林學士王禕 大學士吳伯宗  
大學士朱善 大學士宋訥

吏部尚書詹同 國子祭酒陶凱  
大學士劉王吾 刑部尚書開濟  
翰林纂修胡翰 東園學士吳沈  
禮部尚書陳過 翰林博士方孚儒  
都御史練安 御史魯鳳韶  
修撰王叔英 衡府紀善周德  
按察使王良 大學士楊士奇  
大學士楊榮 大學士楊溥  
大學士李善

第三卷

大學士商賂 大學士高穀  
大學士彭時 文安公劉定之  
文莊公丘濬 文靖公徐溥  
文和公劉翊 文靖公劉健  
文正公謝遷 文恪公王鏊  
文正公李東陽 文肅公劉忠  
文忠公楊廷和 文襄公楊一清  
文忠公張孚敬 忠安公胡澹  
大學士解縉 文簡公黃淮  
文靖公金善 忠安公蹇義

學士沈度 文穆公胡廣  
忠靖公夏原吉 文清公薛瑄  
文懿公呂原 文肅公岳正  
文定公吳寬 翰林修撰舒芬  
翰林待詔文璧 忠襄公金忠  
忠宣公黃福 文端公王直  
文忠公王英 肅愍公于謙  
文莊公葉盛 文襄公周忱  
恭定公年富

第四卷

襄敏公李秉 恭肅公林鷄  
文靖公魏驥 文肅公錢幹  
忠文公李時勉 文介公劉儼  
文恪公耿裕 忠肅公王翺  
祭酒陳敬宗 莊毅公王竑  
忠毅公王驥 端毅公王恕  
文敏公姚夔 襄敏公王越  
清簡公樊瑩 文毅公倪岳  
肅敏公余子俊 襄毅公項忠  
文安公林翰 莊敏公林聰

文毅公許進 都御史王杼  
文懿公楊守陳 昭  
文懿公章 懋 端肅公馬文升  
惠安公彭詔 文肅公何喬新  
恭襄公馬昂 襄毅公秦紘  
恭毅公王槩 文敏公崔銑  
文懿公儲瓘 文莊公邵寶  
文莊公王鴻儒

第五卷

吏部侍郎張元禎 康惠公李承勛

少保保胡宗憲 文肅公謝鐸  
簡肅公張敷華 忠定公韓文  
戶部尚書雍泰 都御史楊繼宗  
僉都御史魯穆 右都御史顧佐  
僖敏公陳鎰 恭簡公戴珊  
右都御史黃紱 提學副使宗臣  
給事中張寧 文恪公吳紉  
知府劉寶 恭毅公章 綸  
恭敏公廖莊 同  
知府張弼 忠愍公楊繼盛



按察使楊瑄 白沙公陳憲章

文毅公羅綸 忠烈公孫燧 忠節公許達

清惠公取九疇 文端公周經

文恪公楊廉 文簡公毛澄

都御史陳壽 忠宣公劉大夏

襄惠公洪鍾 巡撫林俊

第六卷

第六卷

都御史吳廷玉 文襄公唐龍

郎中黃鞏 都御史羅通

尚書 軒輓 襄毅公韓雍

御史 陳茂禮 巡撫高明

副使 夏寅 恭愍公陳選

正卿 夏時正 僉事王琦

副使 李夢陽 副使何景明

按察使李攀龍 禮部郎中況鐘

通判祝允明 節愍公劉儁

侍郎節愍公陳洽 尚書忠肅公鄭瑩

學士忠愍公劉球

檢討莊景 給事中賀欽

庶吉士鄒

智

虛齋公蔡

中烈公

新建伯王



